

# فلسفه فاسوسی

مونیزم در آلبیزم مسلط برین دأر اصطلاحات

— مابعد —

تاناتیزم — Thanatisme : روح انسانیت  
مستقل و ابدی اولیوب، روح حیوانیت و دها  
طوغروسی و ظائف دماغیه نك تكملی نتیجیسی  
بولند یقنی ادعا ایدن مسلك . تركجیسی « فناءیه  
مسلكی » اولوب طرفدار لرینه فنائی و فنائیون  
دیتیر .

آتانیزم — Athanisme : یوقاریده کی  
فنائیه مسلكك ضدی اولان بومسلکده روح  
انسانیت مافوق الطبیعه بر صورتده یار اتیلمش  
برمه جود مستقل اولدیغه و ابدیتنه حکم اولنور .  
تركجیسی « بقائیه مسلكی » در . طرفدار لرینه  
بقائی و فنائیون اطلاق اولنور .

بعض مسائل فلسفیه

مادیه مسلكی = Matérialisme : روح ده  
داخل اولق اوزره هر شئك اصلی مادیه ارجاع  
ایتمك مسلكی در كه طرفدار لرینه مادی و مادیون  
اطلاق اولنور . مقابلی « معنویه مسلكی » در .  
مادیه مسلككنده روح دینیلن شی دماغك بر  
وظیفه سی عد اولنور : معده ؛ نصل عصاره  
معنویه افر ایدر سه دماغ ده تفكر حصوله كتیرر .  
معنویه مسلكی = Spiritualisme : بو  
مسلك مادیه مسلكك مقابلی وضدی در .  
معنویه مسلككنده هر شئك اصلی روحه ارجاع  
اولنور . بونكله برابر روحه موازی برده ماده  
قبول ایدیلیر . شوقدر كه روح مرید و مختار درر ،

جسمك مسئولیتی ده كندیسینه راجعدر .  
و بوتون كائناتی روح اساسی اولان الله خلق  
ایلمشدر . بومسلك طرفدار لرینه معنوی و معنویون  
اطلاق اولنور .

حقیقیه مسلكی = Réalisme : بومسلك  
ایکی قسمدر . برنجی قسم قرون وسطی ده  
« دون سقوت » نام فیلسوف طرفندن احداث  
ایدلمشدر كه شیمدیرکی « ایده آیزم = فکریه »  
مسلكنه مشاهددر . بومسلكده انسانیت فکری  
کبی عمومی فکر لر ؛ ذهنن ، طبیعتدن و شخصدن  
ایری اولق اوزره حقیقی برر موجود عد  
ایدیلیر لر . بواساس افلاطون طرفندن دخی  
سرد اولمشدر . حال حاضر حقیقیوئی فلسفه دن  
زیاده ادبیاته منسوب اولوب طبیعتی اولدیکی  
کبی کوسترمك طرفدار لریدر . اونلرك فکرنجه  
کورلاکی ده ، چیر کینلکی ده عیناً ارائه ایتلیدر ،  
طبیعتده عیب یوقدر . طرفدار لرینه حقیقی  
و حقیقیون دینیلیر .

اسمیه مسلكی = Nominalisme : قرون  
وسطی ده کی حقیقیه مسلكك ضدیدر . بومسلكده  
عمومی فکر لرك ذهن بشر خارجنده اصلا  
وجود و حقیقتلری اولمادیغه اعتقاد ایدیلیر .  
مسلكك ایلک واضعی آریستودر . طرفدار لرینه  
اسمی و اسمیون اطلاق اولنور .